

SUMMER SUNS ARE GLOWING

1 Howl an hav ow splanna
 dres an mor ha'n tir;
golow ow ledanna
 hel ha rydh yn hwir,
dhe'n norvys a'n nevow
 yn dewynnow bleudh.
Keur, deg mil a levow,
 peub a gan yn heudh.

2 Arludh, Dha dregeredh
 a a-dro yn fre;
baner Dha vrastereth
 gwelys yn pub le:
dre Dha alloes fethek
 Dha gerensa vaz
a dhewynn bythkwethek,
 ledan, splann ha bras.

3 Diver Dha wolewder
 dall na vyn devri,
dre Dha garadewder
 moy y'th keryn ni;
dre'gan nev yndella
 kommol du pan rez,
sav an vayl ughella;
 Taz, dhyn ni deus nes.

4 Kyn fo kudh Dha wolow,
 ny vydh dout dhyn ni;
bewnans yw heb golow
 mars on hebos sy,
mes agan gordhiwedh
 genes yth yw dergh.
Bys dhe'n jydh heb diwedh
 splannha agan lergh.

- English words by William How, 1871.
- Translated from English into Cornish by Ken George.
- Tune: Ruth.